
Na osnovu Odluka o potrebi zapošljavanja novih radnika, JP Elektroprivreda BiH d.d. Sarajevo Podružnica „Elektrodistribucija“, Sarajevo, objavljuje

O G L A S
za zapošljavanje radnika

Zapošljavanje radnika na neodređeno vrijeme, uz obavezan probni rad u trajanju od 6 (šest) mjeseci, na radnim mjestima:

1. Referent za odnose sa javnošću i komunikaciju sa kupcima u Službi za odnose sa javnošću i informisanje kupaca, 2 izvršioca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, tehničke/društvene struke
- najmanje 6 (šest) mjeseci radnog iskustva u struci nakon sticanja tražene stručne spreme
- da vladaju pasivnim zanjem jednog stranog jezika

Kratak opis poslova radnog mjesta: komunikacija sa korisnicima po pitanju upita, zahtjeva, reklamacija, prigovora putem telefona, elektronske pošte, web stranice, mobilne aplikacije, dopisa, info pulta, šaltera, telefaksa; prijem i evidentiranje primljenih upita, zahtjeva, reklamacija, prigovora, prikupljanje informacija i njihovo rješavanje i obavještanje podnosioca; pripremanje saopćenja za javnost o planiranim zastojsima u isporuci električne energije i o istom pismeno obavještanje media i korisnika elektrodistributivnog sistema, pripremanje i arhiviranje pisanja dnevne štampe (press clipping).

2. Geodeta u Službi za pripremu investicija, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, geodezija, odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da posjeduju vozačku dozvolu B kategorije

Kratak opis poslova radnog mjesta: organizovanje i izrada geodetskih elemenata projektne i tehničke dokumentacije; geodetsko snimanje podzemnih i nadzemnih instalacija; izrada geodetskih elaborata i obilježavanje na terenu projektovanih elemenata elektroenergetskih objekata (iskolčenje objekata); pripremanje dokumentacije potrebne kod rješavanja imovinsko-pravnih odnosa i učestvovanje u komisiji za rješavanje imovinsko-pravnih odnosa.

3. Inženjer za nadzor i investicije u Službi za realizaciju investicija, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, elektrotehnika, energetika, odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da posjeduju položen stručni ispit
- da posjeduju vozačku dozvolu B kategorije
- da vladaju pasivnim zanjem jednog stranog jezika

Kratak opis poslova radnog mjesta: organizovanje i neposredno nadziranje izvođenja elektrotehničkih radova na izgradnji, rekonstrukciji i sanaciji elektroenergetskih objekata; učestvovanje u rješavanju imovinsko-pravnih odnosa kod izgradnje, rekonstrukcije i sanacije elektroenergetskih objekata; zajedno sa projektantom uvođenje izvođača (voditelja građenja) u posao; nadziranje izgradnje objekta do dobijanja upotrebne dozvole od nadležnog organa; koordiniranje prijema, realizacije i obračuna naloga za izvođenje radova; kontrola ugradnje materijala na terenu i ovjeravanje utroška materijala, građevinskog dnevnika i građevinske knjige i ostalih dokumenata vezanih za izgradnju i rekonstrukciju elektroenergetskih objekata; organizovanje internog i eksternog (općinskog, kantonalnog, federalnog) tehničkog prijema.

4. Stručni saradnik za realizaciju investicija u Službi za realizaciju investicija, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, elektrotehnika/ekonomija odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da vladaju pasivnim znanjem jednog stranog jezika

Kratak opis poslova radnog mjesta: praćenje dinamike realizacije investicionih odluka i kontrola dokumentacije potrebne za realizaciju investicija; organizovanje otvaranja i zatvaranja naloga za izvođenje radova na realizaciji investicija; organizovanje uspostavljanja privremenih i konačnih faktura; kontrola ispravnosti faktura za usluge izvršene od trećih lica; kontrolisanje obračuna i izdavanje svih avansnih i konačnih faktura nastalih u procesu realizacije investicija; kontrolisanje zapisnika o kvantitativnom i kvalitativnom prijemu usluga/radova i učestvovanje u pripremi kompletne dokumentacije za interni tehnički pregled; provjera pravilnog knjiženja prihoda i rashoda; kompletiranje dokumentacije za obračun i kolaudaciju u dijelu realizacije investicija; kontrola obračuna i izdavanje svih avansnih i konačnih faktura nastalih u procesu realizacije investicija; izrada zapisnika o kolaudaciji investicija; analiza stepena finansijske realizacije investicija; praćenje realizacije otvorenih radnih naloga, ugovorenih usluga, okvirnih sporazuma, investicionih odluka i realizacije ugovora sa trećim licima.

5. Referent za stvarna prava na postojećoj imovini u Službi za imovinsko-pravne odnose, Odjeljenju za postojeću imovinu, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, tehničke/društvene struke
- da imaju najmanje 6 (šest) mjeseci radnog iskustva u struci nakon sticanja tražene stručne spreme
- da posjeduju vozačku dozvolu B kategorije

Kratak opis poslova radnog mjesta: komuniciranje sa faktičkim vlasnicima nekretnina s ciljem rješavanja imovinsko-pravnih odnosa za postojeću imovinu; pribavljanje potrebnih saglasnosti i odobrenja u svrhu rješavanja imovinsko-pravnih odnosa za postojeću imovinu; upis stečenih prava u zemljišne knjige; pripremanje tehničke dokumentacije potrebne u procesu pribavljanja saglasnosti i dozvola; praćenje rokova važenja pribavljenih saglasnosti; učestvovanje u rješavanju odštetnih zahtjeva trećih lica; izrada zapisnika o kvantitativnom i kvalitativnom prijemu usluga/radova za notarske i druge usluge.

6. Tehničar za pripremu u Službi za održavanje mreža i postrojenja, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, elektrotehnika, energetika
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: tehnička priprema za poslove revizije, održavanja i remonta mreža i postrojenja i učestvovanje u njihovoj realizaciji; izrada podloga za obavljanje radova na mrežama i postrojenjima (izrada skica i specifikacija materijala); obrada trebovanja materijala, radnih naloga, građevinskih knjiga i ostale obračunske dokumentacije; nadzor nad montažom opreme; učestvovanje u internom tehničkom prijemu i odobravanje puštanja u rad; vođenje potrebnih evidencija i dokumentacije; organizovanje rada na dovođenju parametara kvalitete električne energije u dozvoljene granice po pristiglim dopisima/obavijestima i rasteryećenju preopterećenih elektroenergetskih objekata po pristiglim dopisima/obavijestima; korištenje Sistema daljinskog nadzora i upravljanja elektroenergetskih objekata i prijave uočenih nedostataka; učestvovanje u procesu nadzora i upravljanja distributivnog elektroenergetskog sistema, uspostavljanju normalnog uklopnog stanja nakon prekida u i van radnog vremena i izradi analiza prekida, kvarova, izradi statistika pogona i prekida napajanja i poduzimanja sistemskih mjera za poboljšanja.

7. Automehaničar-kontrolor u Službi za transport, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu V-VK, tehnički smjer
- da imaju najmanje 9 (devet) mjeseci radnog iskustva u struci nakon sticanja tražene stručne spreme
- da posjeduju vozačku dozvolu B/C kategorije

Kratak opis poslova radnog mjesta: organizovanje i izvršavanje poslova iz oblasti održavanja motornih vozila; nadzor i prijem vozila sa opravke u servisima uz kontrolu izvršene usluge; obavljanje redovnih pregleda tehničke ispravnosti motornih vozila i radnih mašina; učestvovanje u pripremi za obavljanje tehničkog pregleda vozila; obavljanje pripremnih radnji za registraciju vozila; evidentiranje kvarova na vozilu; predlaganje potrebnih radova za popravku po izvršenoj dijagnostici radova na motornim vozilima u svrhu otklanjanja kvarova i vanrednih tehničkih pregleda motornog vozila na osnovu primjedbi vozača ili reklamaciji na uočene nedostatke nakon izvršene popravke na vozilima; preventivno pregledanje vozila i predlaganje potrebnih zahvata na održavanju motornih vozila i radnih mašina; obavljanje automehaničarskih/autoelektričarskih poslova na svim vrstama motornih vozila i radnih mašina.

8. Tehničar ispitivač u Službi za održavanje transformatora, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, elektrotehnika
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: organizovanje i učestvovanje u reviziji, remontu i popravci energetskih transformatora u radionici i na terenu; ispitivanja u ispitnoj laboratoriji i na terenu; vođenje predviđenih evidencija i dokumentacije; osiguranje podataka za izradu ispitnih listova i protokola; organizovanje utvrđivanja defekata i obavljanje završnih ispitivanja; organizovanje montaže i demontažu transformatora na terenu; pripremanje podloga za rad vikleraja; učestvovanje u reviziji trafostanica; organizovanje održavanja uređaja i opreme neophodnu za rad i periodičnih kontrola mjernih uređaja i ispitne opreme.

9. Tehničar za pripremu u Službi za planiranje i održavanje mjernih mjesta, 2 izvršioca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, elektrotehnika
- da imaju najmanje 6 mjeseci radnog iskustva u struci nakon sticanja tražene stručne spreme.

Kratak opis poslova radnog mjesta: tehnička priprema za poslove ugradnje i zamjene mjernih uređaja, za poslove redovnih i vanrednih kontrola obračunskih mjernih mjesta i za poslove održavanja obračunskih mjernih mjesta; učestvovanje u izradi plana održavanja i rekonstrukcije mjernih mjesta, praćenju realizacije i u izradi plana kontrola mjernih mjesta; koordiniranje ugradnje indirektnih i polu-indirektnih mjernih uređaja

i uklanjanja nedostaka obračunskih mjernih mjesta; izrada podloga za obavljanje radova na mjernim mjestima (izrada skica i specifikacija materijala) i obrada radnih naloga, građevinskih knjiga i ostale obračunske dokumentacije; vršenje nadzora nad montažom opreme; učestvovanje u internom tehničkom prijemu i odobravanje puštanja u rad; obrada zahtjeva i naloga za uključenje i isključenje obračunskih mjernih mjesta; vođenje potrebnih evidencija i dokumentacije; učestvovanje u kolaudaciji radnih naloga ugradnje i zamjene brojila, rekonstrukcije mjernih mjesta, proširenja AMM sistema i ostalih poslova vezanih za mjerna mjesta; praćenje rada i kontrola sistema daljinskog očitavanja mjernih uređaja.

10.Referent za ekonomske i opće poslove u PJ Goražde, 1 izvršilac, mjesto rada Goražde

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, tehničke/ekonomske/društvene struke
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: obrada uplata za obradu svih vrsta zahtjeva iz procesa elektroenergetskih saglasnosti i priključenja i mjesečno usklađivanje računa usluga i angažovane snage sa nadležnom službom; izrada avansnih faktura za usluge i priključke i izrada konačnih faktura za usluge i priključke sa fiskalnim računima; vođenje knjige dnevnih izvještaja za fiskalne račune i knjige izlaznih faktura; prijem i otprema pošte iz drugih organizacionih jedinica i od trećih lica; prijem zahtjeva i kontrola priložene dokumentacije za izdavanje elektroenergetske saglasnosti; prijem prigovora i žalbi korisnika; obrada podataka o fakturisanim potraživanjima.

11.Referent za priključenja u Odjeljenju za priključenja PJ Goražde, 1 izvršilac, mjesto rada Goražde

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, tehničke/ekonomske struke
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: nadzor nad izvođenjem radova na izgradnji priključaka i montažom opreme; učestvovanje u internom tehničkom prijemu i odobravanje puštanja u rad; učestvovanje u vršenju nadzora na rekonstrukciji elektroenergetskih objekata; obrada radnih naloga, građevinske knjige i ostale obračunske dokumentacije; pripremanje dokumentacije potrebne kod rješavanja imovinsko-pravnih odnosa i učestvovanje u rješavanju imovinsko-pravnih odnosa kod izgradnje i rekonstrukcije elektroenergetskih objekata.

12.Referent za upravno-administrativne poslove u Službi za pravne i kadrovske poslove, 2 izvršioca, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju srednju stručnu spremu IV-SS, društvene struke
- da imaju najmanje 6 mjeseci radnog iskustva u struci nakon sticanja tražene stručne spreme

Kratak opis poslova radnog mjesta: vođenje evidencije o svim predmetima koji se obrađuju u službi i drugih potrebnih evidencija; izrada pisanih podnesaka u upravnom, parničnom, vanparničnom ili drugim sudskim postupcima, te drugih podnesaka; plaćanje sudskih i drugih vrsta taksi; formiranje spisa predmeta i nadzor nad dokumentima koji se nalaze u spisima; arhiviranje predmeta u zvaničnim bazama/evidencijama i fizička predaja u arhivu; praćenje realizacije ugovora i okvirnih sporazuma za potrebe sektora; izrada zapisnika o izvršenim uslugama; protokolisanje interne i eksterne pošte.

Zapošljavanje radnika na određeno vrijeme do povratka radnika sa porodiljskog odsustva a najduže 3 (tri) godine na radnom mjestu:

13. Inženjer za nadzor i investicije u Službi za realizaciju investicija, 1 izvršilac, mjesto rada Sarajevo

Kandidati treba da ispunjavaju slijedeće uslove:

- da su državljani Bosne i Hercegovine
- da posjeduju VII/VSS-1, elektrotehnika, energetika, odnosno završen najmanje I (prvi) ciklus studija koji je vrednovan sa najmanje 180 ETC za kandidate koji su visoko obrazovanje stekli po Bolonjskom sistemu studiranja
- da imaju najmanje 1 (jednu) godinu radnog iskustva u struci nakon sticanja tražene stručne spreme
- da posjeduju položen stručni ispit
- da posjeduju vozačku dozvolu B kategorije
- da vladaju pasivnim znanjem jednog stranog jezika

Kratak opis poslova radnog mjesta: organizovanje i neposredno nadziranje izvođenja elektrotehničkih radova na izgradnji, rekonstrukciji i sanaciji elektroenergetskih objekata; učestvovanje u rješavanju imovinsko-pravnih odnosa kod izgradnje, rekonstrukcije i sanacije elektroenergetskih objekata; zajedno sa projektantom uvođenje izvođača (voditelja građenja) u posao; nadziranje izgradnje objekta do dobijanja upotrebne dozvole od nadležnog organa; koordiniranje prijema, realizacije i obračuna naloga za izvođenje radova; kontrola ugradnje materijala na terenu i ovjeravanje utroška materijala, građevinskog dnevnika i građevinske knjige i ostalih dokumenata vezanih za izgradnju i rekonstrukciju elektroenergetskih objekata; organizovanje internog i eksternog (općinskog, kantonalnog, federalnog) tehničkog prijema.

Kandidati su obavezni dostaviti **potpisanu pismenu prijavu** na oglas koja će sadržavati jasnu naznaku rednog broja i naziva radnog mjesta na koje se prijavljuju, sa kraćom biografijom, adresom stanovanja, e-mail adresom (ukoliko je imaju) i brojem telefona, te dokumentaciju kojom dokazuju ispunjavanje uslova zahtjevanih oglasom i to:

- Uvjerenje o državljanstvu, ne starije od 6 mjeseci, za sva radna mjesta
- Prijavu mjesta prebivališta, ne stariju od 6 mjeseci, za sva radna mjesta
- Diplom o školskoj spremi i svjedočanstva o završenim razredima, za radna mjesta 1.,5.,6.,7.,8.,9., 10.,11. i 12.
- Diplom ili uvjerenje o diplomiranju, odnosno za kandidate koji su visoko obrazovanje stekli po Bolonjskom sistemu studiranja fakultetsku diplomu o završenom I (prvom) ciklusu studija i dodatak diplomi, a u slučaju da fakultet nije završen u Bosni i Hercegovini, kandidat je dužan dostaviti dokaz o nostrifikaciji diplome, za radna mjesta pod rednim brojem 2.,3, 4. i 13.
- Potvrdu/Uvjerenje o radnom iskustvu u struci nakon sticanja tražene stručne spreme za sva radna mjesta
- Dokaz o položenom stručnom ispitu za radna mjesta pod rednim brojem 3. i 13.
- Dokaz o poznavanju stranog jezika, za radna mjesta pod rednim brojem 1.,3., 4. i 13.
- Vozačku dozvolu B kategorije, za radno mjesto pod rednim brojem 2.,3., 5. i 13.
- Vozačku dozvolu B/C kategorije, za radno mjesto pod rednim brojem 7.

Kao dokaz o poznavanju stranog jezika, može poslužiti i dokument iz srednje škole ili fakulteta iz kojeg se može utvrditi da je kandidat imao predmet stranog jezika.

Potvrde ili uvjerenja poslodavca ili poslodavaca kod kojih je kandidat radio ili radi, moraju biti precizna i detaljna, odnosno iste treba da sadrže podatke o tome na kojim poslovima je kandidat radio, naziv radnog mjesta, koliko dugo je obavljao navedene poslove, opis poslova, jasno preciziran period radnog angažovanja na radnim zadacima, tako da se na osnovu ovih dokumenata može utvrditi na kojim poslovima je kandidat radio i koliko dugo, odnosno, da posjeduje traženo radno iskustvo.

Dokumenti koji se neće prihvatiti kao valjan dokaz o traženoj vrsti radnog iskustva su: Radna knjižica – kojom se dokazuje samo radni staž, te ista ne može dokazati nijedan oblik radnog iskustva. Ugovori o radu, ugovori o obavljanju privremenih i povremenih poslova, ugovori o djelu, rješenja ili odluke o zasnivanju radnog odnosa – koji dokazuju samo početak radnog angažmana i naziv radnog mjesta, ne i kontinuitet istog.

Sporazumi, rješenja ili odluke o prestanku radnog odnosa – koji dokazuju samo momenat prestanka radnog angažmana i sl. Kandidati koji su demobilisani borci, članovi porodice šehida i poginulih boraca ili imaju status ratnih vojnih invalida ili su član porodice ratnih vojnih invalida prema propisima koji regulišu oblast boračko invalidske zaštite, dužni su dostaviti dokaz o ovom statusu.

Kandidati koji su nezaposleni treba da dostave potvrdu o toj činjenici izdatu od strane Zavoda za zapošljavanje. Kandidati koji su ranije obavili pripravnički staž u Društvu ili su ranije radili u Društvu po osnovu ugovora o radu na određeno vrijeme u struci koja se traži za radno mjesto na koje se prijavljuju, dužni su dostaviti dokaz o toj činjenici (odgovarajuće Uvjerenje/Potvrdu).

U slučaju da se kandidat prijavljuje na više radnih mjesta oglašanih ovim Oglasom, dužan je podnijeti posebne prijave i uz svaku od prijava priložiti traženu dokumentaciju.

Sva tražena dokumentacija, koju kandidati prilažu uz prijavu, dostavlja se u originalu ili ovjerenj kopiji, ovjerena kod nadležnog organa i na jednom od jezika koji su u službenoj upotrebi u BiH. Ukoliko se dokumentacija dostavi u ovjerenj kopiji može se od kandidata zahtijevati uvid u originalne dokumente. Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na pismeni ispit, a samo oni kandidati koji budu imali najmanje 70% tačnih odgovora na pismenom ispitu stiču pravo da pristupe usmenom ispitu i biće pozvani na polaganje usmenog ispita, za radna mjesta pod rednim brojem 2.,3. 4. i 13.

Kandidati koji budu dostavili blagovremenu, urednu i potpunu prijavu i prema traženoj dokumentaciji budu ispunjavali uslove Oglasa biće pozvani na usmeni ispit, za radna mjesta pod pod rednim brojem 1.,5.,6.,7.,8.,9.,10.,11. i 12. O mjestu i vremenu održavanja ispita kandidati će biti blagovremeno obaviješteni.

Neuredne (nepotpisane), nepotpune i neblagovremene prijave odbaciće se zaključkom. Prijavljeni kandidati koji ne budu izabrani biće pismeno obaviješteni o ishodu Oglasa, a priložena dokumentacija neće se vraćati. Kandidati koji budu izabrani, prije zaključivanja Ugovora o radu, biti će upućeni na ljekarski pregled kod nadležne zdravstvene ustanove, radi utvrđivanja zdravstvenog stanja i radne sposobnosti za obavljanje poslova radnog mjesta na koja budu izabrani.

Oglas ostaje otvoren 8 (osam) dana od dana objavljivanja u dnevnim novinama.

Prijavu na oglas sa traženom dokumentacijom dostaviti lično ili poštom na adresu: JP Elektroprivreda BiH d.d.-Sarajevo, Podružnica „Elektrodistribucija“, Sarajevo, Zmaja od Bosne br.49, Sarajevo (lično podnijete prijave na protokol se zaprimaju radnim danom ponedjeljak-petak u periodu od 07:30-15:30 sati), **u zatvorenoj koverti, sa naznakom: Prijava na oglas Podružnice “Elektrodistribucija”, Sarajevo - „NE OTVARATI“ i napisanim imenom i prezimenom kandidata na koverti i nazivom radnog mjesta na koje se podnosi prijava.**